


宋元明清傳記
資料叢刊系列

宋代傳記 資料叢刊

本社影印室輯

北京圖書館出版社



宋元明清傳記
資料叢刊系列

宋代傳記 資料叢刊

本社影印室輯

19

北京圖書館出版社

清·陸心源 撰

宋史翼

卷一三——二五

清光緒三十二年（一九〇六）歸安陸氏刻本

宋史翼卷十三

禮部奏請嚴禁近歲中興通補過關嚴禁私通偽冒等語
臣等謹將該部所請各款分別開列
謹此奏聞
臣等謹將該部所請各款分別開列
謹此奏聞

列傳第十三

周麟之

劉度

鄭伯熊

芮燾

弟燾

唐仲友

沈復

張郊

王佐

周麟之字茂振海陵人

館閣錄作江甯人

紹興十五年進士

治春秋授武進尉十八年正月應博學宏詞合格除

左修職郎十九年十一月行太學錄而對言上庠敝

漏弟子員滋多几席不足容非所以崇嚴奉而廣教

育明年詔修國子監

要錄一百六十

旋兼權祕書省校勘書

籍二十一年充勅令所刪定官旋以左承事郎爲祕

書省正字兼中書舍人二十三年爲史才論罷以右

宣教郎添差通判衢州二十五年奏言近者太廟生

靈芝九莖連葉瑞應卓絕令有司考故事特製華旂

繪靈芝於上以彰偉績從之移通判徽州召爲著作

佐郎

一百七十

明年升著作郎試起居舍人

一百七十四

二十

七年試中書舍人兼實錄院同修撰二十八年兼直

學士院而奏徽宗實錄所載之事多涉國體與今日

政令相關凡副本之在有司者宜謹其藏不許諸官

司關借及臣僚之家私自傳寫庶可以嚴宗廟尊朝廷卽日拜尙書兵部侍郎旋試給事中二十九年爲翰林學士修國史兼侍讀權刑部侍郎充金奉表哀謝使金主亮喜其辨利錫賚加厚燕之二日中貴人至館密賜金滿酒三罇銀牛魚各一盤罇盤皆金寶器并令留之麟之歸以其物繳進上復賜之三十年二月甲戌以草普安郡王爲皇子詔有非朕敢私之語上讀之稱善權吏部尙書四月上書玉堂二大字賜之除同知樞密院事明年金亮將叛盟充奉表稱賀使乃上疏曰臣聞事有必至理有固然不待上智

而後知昔日之和議今日之淪平是矣方敵之許和也初豈有至誠惻怛之心哉徒以久戰而不休故其心厭盡力而不克故其志沮是以不得不歸之於和馴至於今垂二十年彼以無道竊位懼我興問罪之師不能當也彼沛然自大尙猶籍我爲援內安反是亦未遽萌搏噬之意旣巫伋之行則以侈辭拒我矣秦檜死孽芽浸生屢詰行人以買馬渡淮之禁至罷榷場以絕南北貿易朝廷復遣王倫輩庶有以安之繼遭慈甯禍故泛使三出辭卑幣重禮厚而疑愈深比顯露狂謀不顧信誓欺天畔神敗盟必矣累日以

來側聽聖訓仰見廟謨雄斷不惑羣策唯是遣使一事遲回至今曉夕深思蓋有不可者七何則彼之于我不敢受彼之所欲我不敢從使人到彼其將何辭以對其不可一也若曰但守舊約彼必云故主已廢事當在我未可以禮義說其不可二也議事邀使已既指名遣非其人正犯凶怒其不可三也親征之斷矢於宸衷王旅戒嚴陸續進路事端彰著彼必聞之乃欲走驛輸誠是將翻以爲詐其不可四也執政大臣預聞密論若加詰問難以飾詞避則爲欺實對則賣國其不可五也南牧之衅陛下知之應敵之決

海內知之而反藉一介行李以解紛適足以款王師而誤大計其不可六也今天下無貴賤老穉智愚勇怯告之以用兵復仇則喜動容色告之以屈尊祈請則怒髮冲冠臣若昧於一行人情怫然或致王雲之禍草芥微軀縱死何益其不可七也爲今之計豈有他哉惟陛下法行天健堅定規模俟其來南盡銳奮擊天下助順必有成功昔周世宗征李景奉表稱藩削去常制非不貶損自下而孤屣見戮終奪十四州而後止則卑異之不足恃也世宗之盛德如是執殺使者而逞其欲況亮之伎忍乎若彼有速亡之形

我有恢復之冀有血氣者類能言之陛下審處而應之耳臣當竭智畢力協贊事機倘有搖尾乞憐復下穹廬之拜臣竊恥之且臣昨將命亮數詢詰樞庭事臣以翰苑異職爲解今待罪於是彼將復有問焉則無從敢對蓄憤弗泄必殺臣而勅兵兵端所由咎在臣敬雖闔門孥戮不足償責疏入上大怒右司諫梁仲敏殿中侍御史杜莘老劾其懷姦避事罷與宮觀仲敏莘老再上章論之責授左朝散大夫祕書少監分司南京筠州居住

要錄一百九十

劉度字汝一長興人自爲布衣修潔博習業夢得汪

藻皆以賢良方正薦

周益公劉諫議集序

紹興十五年進士

談鑰

吳興志

除從事郎楚州州學教授二十八年入爲太學

博士

要錄參周海陵集

二十九年除祕書省正字旋擢校書

郎升都官員外郎

中興館閣錄

金人叛盟條陳三策

談志

十一年以汪澈薦改監察御史遷右正言

周益公集

入對

言王權初無寸功久叨重寄平居則虛名占籍墮壞

軍政刻削廩稍剝下自豐一旦有疆場之虞望風退

縮歷陽之奔士卒尙欲回戰而權麾之使退一城軍

民爭舟赴水死亡幾盡軍資戎器並以遺敵臣竊聞

建隆中晉州荆罕儒戰死藝祖誅不效命者二十九

人咸平中望都之役諸將有臨陣而遁章聖誅二十
餘人此祖宗之成法也近自瓜洲之勦陛下以劉汜
先遁竄之遠方矣況元帥之罪重于偏裨淮西之敗
重于瓜洲則王權之誅豈可出劉汜下哉願稽藝祖
章聖成法速正典刑以服人心以作士氣權乃除名
瓊州編管三十二年轉左正言奏劾參知政事楊椿
貪懦無恥爲湖北憲卒以三百千售一舉狀自登政
府惟聽親吏貨賂請求椿遂罷又言恭觀詔書禁約
苞苴近聞成閔入朝侍從卿監郎中閤門內侍皆有
饋賂此例一開若不重禁他日將帥入朝必爭治苞

直以相誇尚而挂虛名削廩給必更滋蔓以充其求
不可得禁矣況成閔此歸若有功而欲賞遠近觀聽
必曰以賂賄而獲遷也若有罪而欲貸遠近觀聽必
曰以賂賄而獲逸也不惟墮紊邦制玷累士風而成
閔所以爲身謀者亦甚疏矣望揭榜朝堂今後羣臣
輒受苞苴令御史臺彈劾重置憲典斷在必行又言
今者回鑒願止取親行臨陣折馘執俘有軍功者推
恩外一切常典所宜謹惜以革僥倖皆從之繫年要錄明
年澈除參政度上言慶曆四年八月詔書輔臣所薦
毋得除諫官請改外任徙軍器監孝宗卽位陳春秋

正始之道自宗正擢諫議大夫

平園續稿參談
志繫年要錄

時以

龍大淵爲樞密副承旨曾覲帶御器械度進首論待
小人不可無節潛邸舊僚宣召當有時隆興元年復
上疏劾大淵輕儇浮淺憑恃恩寵入則侍帷幄之謀
出則陪廟堂之論搖屑鼓古更變是非凡皇闈宴昵
之言宮嬪嬉笑之語宣言于外以自夸嫖至引北人
孫昭川入清禁爲擊毬旋舞之戲上累聖德伏望斥
退又論京房指謂石顯元帝亦自知之而不能用不
能以公議勝私欲耳反復數百言尤爲切至乃詔大
淵知閤門事覲權知閤門事度言臣欲抑之而陛下

揚之臣欲退之而陛下進之臣欲使之畏戢而陛下
示以無所忌憚是臣所言皆爲欺罔何面目尙爲諫
官乞賜貶黜不報尋以所言失實改權工部侍郎度
辭新命除知建甯府明年放罷宋史全文參宋史
曾觀傳朝野雜記度
前後凡上九十餘疏心平氣和理正詞直薄物細過
未嘗屑屑至於大小之臣麗於過失必隨事以言平
續去國居里貧無戚憾之態有傳言鑑古五十篇雜

文三十卷藏於家

談志引
舊編

鄭伯熊字景望永嘉人與其弟伯英齊名時人稱爲
大鄭公小鄭公少慕呂申公范滂夫舅甥之爲人行

己一以爲法而論事則慕賈長沙陸宣公紹興十五年進士歷黃巖尉婺州司戶隆興初召試正字除太常博士出爲福建提舉魏王判宣州南而坐受屬吏進謁幕府進劄子亦坐而可否之及伯熊除王府司馬遂以劄子開說謙德未光嫌疑之際或駭視聽又判罷吏羊綰再役伯熊引吏人年滿歸農不得再應募條法不聽遂自劾去改江西提刑奉祠起知婺州入爲吏部郎官兼太子侍讀歷國子司業宗正少卿方嚮川矣每小不合輒乞去以直龍圖閣知甯國府移知建寧卒後謚文肅方秦檜擅國禁人爲趙鼎胡

寅之學而永嘉乃其寓里後進爲所愚者尤多故紹興末伊洛之學幾息九先生之緒言且將衰歇伯熊兄弟並起推性命微眇酌今古要會師友警策惟以統紀不接爲懼首雕程氏書于閩中由是永嘉之學宗鄭氏伯熊臧否人物最矜慎稱爲方峻伯英喜獎借一介之善雖輩行懸絕必引進之伯熊恂恂謹厚少而德成惛惛無華無一指不本于仁義無一言不關於教化顧徇道寂寞視退如進歟歷中外不自陳年勞以求磨勘故卒不達弟伯英字景元資性俊健果決慷慨論事憤發思得其志必欲盡洗紹聖以來